

Praxis Et Brevis Declaratio Viæ Spiritvalis

Palma, Luis de la Antverpiae, 1634

De primo Puncto eiusdem Exercitij, & primo gradu amoris Dei.

urn:nbn:de:hbz:466:1-60472

EXERCITIORVM S. IGNATII. 261

magnitudinem beneficiorum eius perspiciamus. Et hæc est notitia liberalitatis quâ Deus erga nos vsus fuit, & beneficiorum quæ à liberali eius manu accepimus, quò eorum magnitudinem perspicientes, ad amorem & obsequium diuinæ Maiestatis nos impendamus: hoc est, vt ego, tantam in me Dei munificentiam considerans, disquiram quæ meæ vicissim sint partes; & an non iustum sit & æquum, vt totum ego me diuinæ Maiestatis obsequio amorique consecrem. Et in eâ gratitudine diuinique amoris imitatione fundantur quatuor amoris erga Deum gradus, in quatuor Puncta partiti.

PVNCTVM PRIMVM.

IN hoc primo Puncto Nota Primo, quòd materia Meditationis in
hoc primo amoris gradu sunt beneficia diuina; quæ rationes valde prægnantes & copiosas, quibus hic in noR 3 bis

262 PRAXIS ET DECLARATIO

大学和原则的现在分

bis excitetur amor, suppeditant: quia, vt communi Prouerbio dicitur, Dona & munera altissimos etiam montes penetrant. & Salomon Prouer. 22. Qui dat munera, animam aufert accipentium. Beneficia hæc à S.Patre nostro ad tria reducuntur capita, Creationis nempe, Redemptionis, & Donorum particularium. Sub Creatione comprehenditur esse animæ & corporis, cum omnibus suis membris, potentiis & sensibus; item conseruatio, cum omnibus bonis naturalibus quæ ad illam diriguntur. Sub Redemptione, omne quod CHRISTVS Dominus noster fecit, & pro nobis in corpore suo mortali passus est; vti & Sacramenta, quæ pro nostrà omnium salute instituit. Dona particularia sunt innumera, & quotidiana, eaque diuinam prouidentiam & peculiarem Dei erga nos amorem nobis solent clarius detegere, nosque magis obligare ad gratitudinem ei vicissim amoremque reddendum. Et hæc sunt quæ ad materiam Meditationis EXERCITIORVM S. IGNATII. 263 tionis pertinent, in quâ memoria sese occupare debet.

Nota secundo Circumstantias quæ in singulis illis beneficiis ponderandæ sunt; quæ ad tres reducuntur.

Prima, Quantum med caus à benignifsimus Dominus egerit, tam in creatione & conservatione, quam in redemptione, tantum agendo & patiendo, vt

meis prospiceret necessitatibus.

Secunda, Quantum mihi elargitus sit de the sauris suis tam in donis naturalibus quam gratiæ, diuitiis que, quibus me ornauit. Et in illis verbis, quantum de the sauris suis mihi elargitus sit, peculiarem vim facit, alludendo ad ea quæ in secunda Nota dictæ contemplationi præsiguntur: Amor consistit in mutua facultatum & operum communicatione, puta scientiæ, diuitiarum, honoris & boni cuius cumque. Et hic mihi considerandum, quam abundanter Deus Dominus noster hoc ex sua parte compleuerit, & quantum mihi de the sauris suis elargitus sit.

R 4 Tertia,

264 PRAXIS ET DECLARATIO

Tertia, Ponderandum valdè quid nobis dederit, & quid nobis dare velit; quòd nempe, præter ea quæ nobis dedit iuxta diuinum suum decretum & beneplacitum, seipsum mihi, quantum potest, donare velit. In omnibus porrò beneficiis quæ Deus nobis præstitit & præstare vult, circumstantia illa benè notanda est, quòd numquam eius liberalitas iis exhauriatur aut imminuatur, sed potius ei crescat desiderium maioribus eam beneficiis augendi: quæ omnia eò diriguntur, vt seipsum nobis in pacificà gloriæ suæ possessione donet.

Nota tertio Fructum qui ex hac Meditatione hauriri debet, hunc esse: Vertar ad meipsum, & disquiram mecum qua mea sint partes, & quid aquum iustumg, sit vt diuina offeram & exhibeam Maiestati; haud sanè dubium, quin mea omnia offerre debeam ac meipsum. Et hac verba, qua mea sint partes, & quid aquum iustumque sit vt diuina offeram & exhibeam Maiestati, &c. ideò posuit, vt respondeant verbis similibus qua ex

parte

A PURE WITH WAR

EXERCITIONVM S. IGNATII. 265 parte Dei erant posita, quantum mihi de thesauris suis elargitus sit. Sic enim completur quod in secundâ Notâ dictum est; quòd amor consistat in mutua facultatum & operum communicatione, &c. ita vt homo, se tanta beneficiorum & misericordiarum Dei mole obrutum sentiens, illa verba, quæ sanctum illum Regem Dauid follicitum habebant, frequenter repetere debeat: Quid retribuam Domino pro omnibus que retribuit mihi? &c. & in se nihil quod suum sit Deo dignum reperiens, Deo totum, quod ab ipsius liberali manu accepit, restituat, diuinæ Maiestati corpus cum omnibus fensibus, animam cum omnibus potentiis, libertatem, bona omnia, salutem, honorem, ipsam denique suam vitam offerendo. ac si diceret: Quidquid habeo vel possideo mihi largitus es, id tibi totum restituo, ac tuæ prorsus voluntati trado gubernandum. Hinc orietur vt deinceps se consideret tamquam rem alienam, non suam, & nouo titulo in vicem bene-Rr

beneficiorum Deo obnoxiam.

Nota Quarto, Quòd S. Pater noster, velut magnus vitæ spiritualis magister, à primo primæ Septimanæ Exercitio, in quo timorem in nobis excitare conatur, & ab initio viæ purgatiuæ vsque ad conclusionem viæ vnitiuæ, & postremum quartæ huius Septimanæ Exercitium, in quo nos ad amorem excitat, totum illum meditandi & contemplandi modum sundet in vsu & exercitio trium potentiarum; vt clarè patet ex partibus huius primi Puncti, & ex tribus quas attulimus Notis.

Quia primum est, in memoriam reuocare beneficia accepta, ea ad certa capita pro memoriæ subsidio reducendo; vt in prima Nota dictum est.

Secundum, summo affectu circumstantias omnes beneficiorum considerare, quas ad tres reducebamus: quod ad intellectum pertinet; vt in secunda Nota apparet.

Tertium, se totum Deo offerre, &

fummo affectu ad mandatorum eius observantiam se accingere: quod voluntatis est; vt in tertia Nota. Et sic in sequentibus Punctis procedendum est.

PUNCTUM SECUNDUM.

C Ecundus amoris gradus est, non I tantum se suaque omnia ad diuinæ voluntatis obsequium obtulisse, sed etiam omni cum actuali reuerentià & consideratione (quantum miseri huius exilij status, & diuinæ gratiæ fauorisq; lumen permittit) Deum sibi præsentem statuere. Nam sicut Regis alicuius subditi fideles, qui se totos eius obsequiis & obedientiæ manciparunt, non omnes illi adsunt, aut in eius familià coram eo versantur; sic omnes qui Deum amant, eiusque se seruitio consecrarunt, non semper in eius pæsen iå cum actuali attentione assistunt. Et sicut cum aliquis semper suo Principi adest, animi eius sensa, etiam in rebus minimis & particularibus, ex eius vultu facile percipit; sic fructus, qui